



## MyATP oh MyATP

Ts. JAMAL OTHMAN

ATS, K1, K2 dan K3 adalah instrumen penting SKT  
Tanggungjawab hakiki pensyarah yang perlu dipatuhi  
Kriteria penilaian tahunan yang wajib dipenuhi  
Tak cukup syarat markah dikurangi  
Sebarang rayuan tidak dilayani  
Surat lantikan sebagai dokumen bukti  
Tiada bukti cari sampai ditemui  
Sistem akademik kita mengejar KPI universiti  
Semua pensyarah bekerja keras seperti robot di industri  
Tak capai KPI nanti Bos undur diri  
Lantik Bos baru teruskan strategi  
Bermacam strategi menaikkan KPI fakulti  
Pensyarah keliru mana satu nak prioriti  
Ke sana ke sini mengejar K1, K2 dan K3  
Tu belum tengok ATS sampai 15 jam lagi  
Muda-muda dah dapat darah tinggi  
Tak sempat 50 dah pergi  
Tiada siapa yang sanggup nak teruskan legasi  
Legasi hanya tinggal sejarah dalam dokumentasi  
Apa pun buatlah yang termampu dan jangan paksa diri  
Tinjau kekuatan diri dan fokus lebih terperinci  
Ia mampu memajukan diri ke peringkat tertinggi  
Utamakan keluarga jaminan kebahagian duniaawi  
Tingkatkan ibadat dan iman sebagai persediaan ukhrawi  
Itulah tuggak kepada pencapaian strategi agar diberkati  
Seloka MyATP ini janganlah anda ambil hati  
Sekadar untuk memperingat dan diperingati  
Ciptalah suasana kerja yang heppi  
Agar hasil kerja kita adalah berkualiti  
Dan jangan lupa satu lagi iaitu kerja dengan penuh integriti

